

INUIT ATAQATIGIIT

Inatsisartuni



UPA 2019/174

30.04.2019

Mikivisuk Thomassen

Uunga siunnersuut: Kitaani sinerissatsinni qassutikut qallorneqarnissaannut suliniutissatut pilersaarummik UKA2019-mut Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Inuit Ataqatigiinniit siullermik qujaffigaarput siunnersuuteqartoq kitaani sineriammi qassutikut qallorneqarnissaanut suliniuteqartoqarnissaa pilersaarummik suliaqartoqarnissaa taperserparput.

Inuit Ataqatigiit pingaartilluinnarparput imartatta aammalumi nunap mingutsinneqanginnissa.

Inuiaqatigiit pingortitamik atuisuusugut tamatta akisussaaffigaarput, pingortitap mingutsinnginnissaa, imartatsinniippat nunamiippallunniit.

Qassutikut imartatsinniittut salinneqarnissaannut kaammattuutigaaarput susassaartut, Peqatigiiffiit, Kattuffiit Kommunillu peqatigineqarnissaat, pitsaanerpaamik qallorneqarnissaat anguneqartariaqarmat.

Siunissaq ungasinnerusoq eqqarsaatigalu, Naalackersuisut qassutikunik utertsitalersinnaanissaq anguniagassatut takorsinnaanerpaat? Tassami imartatsinni paarsilluarnissarput qalakkeerneqarnissaa pingaaruteqarmat. Soorlu takorloorneqarsinnaavoq qassutunik nutaanik pisinermi qassutikunik utertsitisoqarsinnaavoq, atuisumut aamma iluaqutaasumik. Soorluttaaq aamma KNAPK-mit siunnersuutigineqarpoq, qassutisinermi qassutit chip-ilerneqarsinnaaneri, taamaalilluni qassutit kivisimasut sumiissusersisinnaammata aammalu inuttarsisinnaammata.

Partiit ilaannit killeqanngitsumik piniakkanik atuinissaq kissaatigineqartarpoq. Inuilli mingutsittsigutta nammeneq piniakkanik killiliisalersarpugut, qassutikunik qimagaaginnarnermi mingutsitsinitsinni pingortitap ingerlaarnera akornusertaratsigu.

Qassutit sananeqaateqarput nungugallartussaajunnaarlugit. Qassutit qimaannakkat aalisakkanut timmissanut allanullu uumasunut akornutaasaqaat. Uumasut naatiffigalugit asuli toquunnartarput.

INUIT ATAQATIGIIT

Inatsisartuni



Inuiaavugut imartatsinnik inuussuteqarlutalu ummassuteqartut. Tamaammat soorunamiulluinnaraluarpoq kinaluunniit imartatsinnik atuisoq mingutsitsinnginnissamik suliaqassasasoq. Taamaangilarli.

Sinerissatsinni arnarlunniarnerup kingorna qassutikut qimaannakkat takussaavallaarput. Qassutikut kivisiinnakkat aalisakkanut aalisarnermullu akornutaaqaat.

Qassutaarsiutit allallu akornutaasinnaasut salinneqartanngippata, imartarpullu nakkutiginneqanngippat, imarmiunut tamanut akornutaasinnaanerat ilisimavarput. Imartatsinni salisarnissaq nakkutigineqartariaqarpoq, tassami imarmiunik nerisaqarpugut nunattalu avataanut nioqquteqartuulluta. Taamaammat paarsilluarnissarput tamatta akisussaaffigaarput.

Kukkuvallaassaganngilangalu oqassalluta, piujuannartsitinissaq inuiaqatigiit tamatta soqutigisarigippat. Imartatsinni piniaakkat anigaasarsiutitta annersaraat, soqutigisariaqarparpullu imartatta naqqani, sualummik piniafigilluakkatsinni mingutsisoqanginnissaa, qassutikunillu qalluisanngikkutta kingunerisinnaasai tamakkiisumik ilisimanninnatsigu.

Ilanngullugu taasinnaavara Sermitsiaq nr. 16/17, 26. April 2019-mi saqqaani saqqummiunneqartoq "Qeqertarsuup Tunuani aalisarnej aarlerinartorsiortinneqartoq – Qassutaarsiutinit unioqqutitsillunilu aalisarnermi".

Isumaqarpugut ulluinnarni imartatsinni atuisuusut oqartussallu suleqatigiinnerusariaqartut nakkutiginninnerullutillu. Tamatta akisussaaffigaarput immarmi nunamilu paarsilluarnissaq.

Inuit Ataqatigiinniit suliaq ataatsimiititaliamut innersuupparput, sukumiisumik suliarinerqarnissaa kissaatigalugu, pisariaqarpallu ataatsimiitilialiaq allanngutissamik suliaqarsinnaammat, ajornartorsiutip pitsaasumik angusaqarfiunissaa kissaatigalugu.

Siunnersuuteqartup siunertaa tamakkiisumik taparserparput. Tunngaviatigullu iliuuseqartoqartariaqarneranik siunnersuuteqatup oqariartuuteqarnera paasilluarlutigu. Misissueqqittariaqanngilagut iliuuseqartariaqalersugununa. Nalunngilarput unamminartumi inissisimaffigalutigu. Aningaasaliiffiginiartigu iliuuseqarniarta, nunatta aningaasarsiornikkut tunngavia aalisarnej minnerunngitsumillu avatangiisitsinnik piujuartitsinissaq qulakkeerniartigu.

Taamaammat siunnersuuteqartoq taparserparput qassutikunik paaanissamik Naalakkersuisut pilersaarusoqqullugit.